

Na osnovu zajedničke implementacije mentorskog programa *Stariji brat, starija sestra* od 2010. godine i uz međusobnu saglasnost zaključuje se

PROTOKOL O NASTAVKU SARADNJE

Između:

1. Udruženja za prevenciju ovisnosti NARKO-NE, Sarajevo, ul. Zagrebačka 18 (ured Josipa Vancaša 21), koje zastupa izvršni direktor Amir Hasanović (u daljem tekstu NARKO-NE) i
2. KJU „Dom za djecu bez roditeljskog staranja“ Sarajevo, ul. Bjelave br. 52, koji zastupa direktorica Belma Ahmagić (u daljem tekstu Dom)

Član 1.

Ovim Protokolom utvrđuju se obaveze Doma i NARKO-NE, u pripremi i implementaciji programa *Stariji brat, starija sestra*. Program će se implementirati u periodu od 01.10. 2018. godine do 30.09.2019. godine.

Član 2.

Međusobna saradnja se bazira na uzajamnom razumijevanju i saglasnosti potpisnica Protokola, te pojedinačnim i zajedničkim aktivnostima usmjerenim na realizaciju programa.

Član 3.

Obaveze Doma u skladu sa članom 1. ovog Protokola su slijedeće:

- Omogućiti realizaciju programa u planiranom vremenskom periodu,
- Imenovati stručne saradnike koji će biti uključeni u gore navedeni program,
- Informisati nadležno ministarstvo u okviru redovnih obaveza Doma kroz kvartalne i godišnje izvještaje o realizaciji programa,
- Sačiniti zajedničku informaciju o implementaciji programa u dijelu koji se odnosi na Dom uz obavezni potpis odgovornih lica,
- U skladu sa mogućnostima podržavati razvoj i proširenje programa:
 - o Učestvovati na radnim sastancima sa predstavnicima NARKO-NE, vlasti i nadležnih institucija za pripremu inkorporiranja modela *Stariji brat, starija sestra* u sistem socijalne zaštite,
- Promovirati program u javnosti,
- Uraditi evaluaciju programa u saradnji sa NARKO-NE,
- Obaveze stručnih saradnika za program *Stariji brat, starija sestra*:
 - o Učestvovati u realizaciji aktivnosti u skladu sa planom programa,
 - o Sačiniti spisak djece, uzrasta od šest do četrnaest godina,
 - o Pripremiti pismene relevantne informacije o djeci za koordinatore projekta i volontere/mentore, vodeći računa o zaštiti identiteta djeteta,
 - o Učestvovati u izradi i realizaciji individualnih planova za djecu,
 - o Uspostaviti prve susrete u Domu: stručni saradnik – volonter – dijete – odgajatelji,
 - o Pružati stručnu i praktičnu podršku volonterima u realizaciji aktivnosti programa, tokom savjetodavnih sastanaka, te sačiniti izvještaje o istim,
 - o Učestvovati sa saradnicima iz NARKO-NE, na monitoring sastancima.

Član 4.

Obaveze NARKO-NE koje proizilaze iz člana 1. ovog Protokola su slijedeće:

- Omogućiti realizaciju programa u planiranom vremenskom periodu,
- Obezbjediti finansijsku podršku za edukativni i savjetodavni program volontera,
- Obezbjediti finansijska sredstva za ciklus druženja volontera/mentora sa djecom,
- Osigurati naknadu za stručne saradnike u skladu sa angažmanom i obimom posla na programu, van njihovog radnog vremena,
- Organizirati savjetodavne sastanke za volontere,
- Organizirati i učestvovati sa saradnicima iz Doma, na monitoring sastancima,
- Organizovati radne sastanke sa predstavnicima Doma, vlasti i nadležnih institucija za pripremu inkorporiranja modela *Stariji brat, starija sestra* u sistem socijalne zaštite,
- Uraditi evaluaciju programa u saradnji sa Domom,
- Promovirati program u javnosti.

Član 5.

Protokol o saradnji, u pripremi i implementaciji programa *Stariji brat, starija sestra* ostaje otvoren za izmjene, uz uzajamnu saglasnost potpisnika i na osnovu prijedloga i sugestija neposrednih nosilaca obaveza utvrđenih ovim Protokolom.

Član 6.

Sve nesuglasice će se rješavati u okviru postojeće pravne regulative i u duhu tolerancije i razumijevanja.

Član 7.

Ovaj Protokol sačinjen je u četiri istovjetna primjerka od kojih svaki potpisnik zadržava po dva.

KJU „Dom za djecu bez roditeljskog staranja“

[Redacted signature]

Belma Ahmagić, direktor

Broj: 1998/18
Sarajevo, 01.10.2018. godine

NARKO-NE

[Redacted signature]

Amir Hasanović, direktor

Broj: 116-10/18
Sarajevo, 01.10.2018. godine

NARKO-NE
UDRUŽENJE ZA PREVENCIJU OVISNOSTI
Ul. Zagrebačka 18
SARAJEVO
BIH